

Allannguutissatut siunnersuut
uunga

**Siunnersuut: Meeqcat illersuisuat aamma Meeqcat pillugit siunnersuisoqatigiit pillugit
Inatsisartut inatsisissaattut siunnersuut, normua aamma ullua**

Aappassaaneerneqarnissaanut Naalakkersuisut saqqummiussaat.

§ 4-mut

1. § 4, imm. 3, nr. 3, atorunnaarsinnejassaaq.

Nr. 4 matuma kingorna nr. 3-nngorpoq.

2. § 4, imm. 3, nr. 4-mi ”6” allanngortinneqassaaq, ”5”-nngortillugu.

§ 5-imut

3. § 5, imm. 2, imatut oqaasertalerneqassaaq:

”Meeqcat pillugit siunnersuisoqatigiit 7-inik ilaasortaqaqassapput. Taakkunannga Naalakkersuisut ilaasortat 6-it toqqassavaat, §5, imm. 1, 3 aamma 4 aamma § 6, kiisalu Meeqcat illersuisuat toqqassallugu, tak. § 4.”

§ 7-imut

4. § 7, imm. 1, nr. 3, atorunnaarsinnejassaaq.

Nr. 4 matuma kingorna nr. 3-nngorpoq.

Siunnersummut oqaaseqaatit

Oqaaseqaatit nalinginnaasut

Inatsisartut inatsisissaattut siunnersuutip allannguutissatut siunnersuutigineqarneranut tunngaviupput Ilaqutariinnermut peqqissutsimullu siunnersuutip aappassaaneerneqarnissaanut isumaliutissiissusiornerni oqaasertaliussimasaat.

Naalakkersuisut Ilaqutariinnermut peqqissutsimullu ataatsimiititaliaq isumaqatigaat nalilermassuk § 4, imm. 3, nr. 3 atorunnaarsinnejartariaqartoq, tamatuma kingorna Meeqcat illersuisuat soraarsinnejarsinnaavoq, Meeqcat illersuisuat timimigut tarnimigulluunniit napparsimalernini pissutigalugu Inatsisartut inatsisissaanni suliassatut allattorneqartut suliarisinnaajunnaarunigit.

Naalakkersuisut aamma Ilaqutariinnermut peqqissutsimullu ataatsimiititaliaq isumaqatigaat § 7, imm. 1, nr. 3 atorunnaarsinnejassasoq, tamatuma kingorna Meeqcat pillugit siunnersuisoqatigiinni ilaasortaq soraarsinnejarsinnaasoq timimigut tarnimigulluunniit

napparsimalernini pissutigalugu Inatsisartut inatsisissaanni suliassatut allattorneqartut suliarisinnaajunnaarunigit.

Tassunga tunngatillugu oqaatigineqassaaq Meeqqat pillugit siunnersuisoqatigiit Meeqqat illersuisuat aamma Meeqqat pillugit siunnersuisoqatigiit ilaasortaasa ilaat soraarsinneqarsinnaasut § 4, imm. 3, nr. 4 (maanna 3-usoq) aamma § 7, imm. 1, nr. 4 (maanna nr. 3-usoq), ilaasortat ilaat amerlanerussuteqartut isumaqatigiippata, tak. aalajangersakkat aatsaannguaq taaneqartut.

Naalakkersuisut aamma Ilaqutariinnermut peqqissutsimullu ataatsimiitaliaq isumaqatigaat isumaqarmata inatsisip oqaasertaani erseqqissumik allassimasariaqartoq Meeqqat pillugit siunnersuisoqatigiit katillugit 7-inik ilaasortaqaartut.

Naggataatigut Naalakkersuisut isumaqataaffigaat Meeqqat pillugit siunnersuisoqatigiit Meeqqat illersuisuat soraarsissinnaagaat Meeqqat pillugit siunnersuisoqatigiit ilaasortaasa ikinnerpaamik 5-iusut soraarsitsinissaq akuerseqataaffigippassuk. Naalakkersuisut isumaqarput ilaasortat 5-it amerlassusaat naammattoq Meeqqat illersuisuannik soraarsitsinissamut, taamatuummi amerlassuseqartut aalajangererat peqataassammat meeqqat pisinnaatitaaffii pillugit suliffimmi eqqisisimanissamut kiisalu suliffimmi toqqissimasoqarnissaanut, aammalu Meeqqat illersuisuannik soraarsitsinissamik piffissaanngitsuni isummeqattaartoqannginniassammat.

Allannguutissatut siunnersuutip allaffissornikkut kingunissai
Allannguutissatut siunnersuut allaffissornikkut kinguneqassanngilaq.

Allannguutissatut siunnersuutip aningasaqarnikkut kingunissai
Allannguutissatut siunnersuut aningasaqarnikkut kinguneqassanngilaq.

Aalajangersakkanut ataasiakkaanut oqaaseqaatit

Nr. 1-imut

Inatsisartut inatsisissaatut siunnersummi § 4, imm. 3, nr. 3 aalajangersagaqarpoq Meeqqat illersuisuat ukiut pingasut iluanni soraarsinneqarsinnaasoq timimigut tarnimigulluunniit napparsimalernermigut Inatsisartut inatsisaanni suliassatut allattorneqarsimasut suliarisinnaajunnaarsimagunigit. Aamma aalajangersarneqarpoq Meeqqat illersuisuat Naalakkersuisut qinnutiginninnerat tunngavigalugu napparsimanermut nakorsamit allagartamik pissarsiniartariaqartoq.

Allannguutissatut siunnersuutip malitsigisanik § 4, imm. 3. nr. 3 atorunnaarsinneqarpoq.

§ 4, imm. 3, nr. 3-p atorunnaarsinnejnerata malitsigisaanik § 4, imm. 3, nr. 4, allanngorpoq imaalilluni: § 4, imm. 3, nr. 3.

Nr. 2-mut

Inatsisartut inatsisissaattut siunnersuummi § 4, imm. 3, nr. 4 malillugu Meeqqat illersuisuat ukiut pingasut iluanni Naalakkersuisunit soraarsissinnaagaat, Meeqqat pillugit siunnersuisoqatigiit ilaasortaasa 6-it soraarsitsinissaq innersuussutigippassuk, aamma Naalakkersuisut pissutsinik misissueqqisaareernerminni Meeqqat illersuisuannik soraarsitsinissaq pisariaqartutut isigippassuk.

Allannguutissatut siunnersuutip malitsigissavaa, Meeqqat pillugit siunnersuisoqatigiit ilaasortaat isumaqatigittussat 6-iniit 5-iinanngornissaat.

Nr. 3-mut

Inatsisartut inatsisissaattut siunnersuummi § 5, imm. 2 aalajangersaavoq Meeqqat pillugit siunnersuisoqatigiit 6-inik ilaasortaqaqassasoq Meeqqat illersuisuat 7-iliullugu. Ingerlaqqilluni aalajangersagaqarpoq ilaasortat Naalakkersuisunit toqqarneqassasut, tak. § 6.

Allannguutissatut siunnersuutip kingunerissavaa aalajangersakkap erseqinnerulernera, tassa Meeqqat pillugit siunnersuisoqatigiit 7-inik ilaasortaqaqassasut, taakkunanna 6-it Naalakkersuisunit toqqarneqassallutik, tak. § 5, imm. 1, 3 aamma 4 aamma § 6, aammalu Meeqqat illersuisuat toqqassallugu, tak. § 4.

Nr. 4-mut

Inatsisartut inatsisissaattut siunnersuummi § 7, imm. 1, nr. 3 aalajangersaavoq Meeqqat pillugit siunnersuisoqatigiinni ilaasortaq ataaseq ukiut pingasut iluanni Naalakkersuisut soraarsissinnaagaat, timimigut tarnimigulluunnit napparsimalernermigut Inatsisartut inatsisaanni suliassatut allattorneqarsimasut suliarisinnaajunnaarsimagunigit. Aamma aalajangersarneqarpoq Naalakkersuisut qinnutiginninnerat tunngavigalugu napparsimanermut nakorsamit allagartamik pissarsiniartariaqartoq.

Allannguutissatut siunnersuutip kingunerisaanik § 7, imm. 1, nr. 3 atorunnaarsinnejnerata.

§ 7, imm. 1, nr. 3-p atorunnaarsinnejnerata kingunerisaanik § 7, imm. 1, nr. 4 allanngortinneqarpoq § 7, imm. 1, nr. 3-nngorluni.